

廬州府志卷三十八

仙釋

王子喬

魏伯陽

左慈

長慶道徽禪師

無爲鐵佛因禪師

廬州開光宗禪師

慧滿禪師

三刀禪師

義了道人

崔之道

崔自然

伏虎禪師

春秋山二禪

李景儒
釋道川

周真人

清慧禪師

妙果禪師

合肥僧了然

五乳和尚

可靜禪師

博山禪師

無爲古城僧

隱明和尚

吳崇信

張以傑

徐謙三

常樂寺僧

林道人

周和尚

李虛庵

行瑛

翟道人

釋星朗

石門

廬州府志卷三十八

仙釋

一

通達和尚

戒傳

廬州府志卷三十八

賜進士出身廬州府知府溫陵張祥雲主修

仙釋

周

王子喬周靈王太子晉也好吹笙作鳳鳴遊伊洛間道士浮

邱公接上嵩山常遊巢陵金庭紫微之勝煉丹洞口拔劍

刺地湧泉至今遺蹟猶存楚辭遠遊篇云軒轅不可追攀

兮吾將從王喬而娛戲順飢風以縱遊兮至南巢而一息

庚熙志

漢

魏伯陽煉丹於合肥四頂山中所著有參同契深悟易理伯

廬州府志卷三十八

仙釋

一

陽自敘會稽鄙夫幽谷朽生挾懷朴素不樂權榮棲遲僻

陋忽略利名執守恬澹希時安平晏然閒居適誤斯文歌

敘夫易三聖遺言察其旨趣一統其倫務在順理宣耀精

神潛化流通四海和平表以爲力萬世可循序以御政行

之不繁引內養性黃老自然含德之厚歸根返元近在我

心不離己身抱一毋舍可以長存

明隆慶志

左慈字元放廬江人也少有神道嘗在曹操坐操從容顧歎

賓曰今日高會珍羞略備所少吳松江鱸魚耳元放曰此

可得也因求銅盤貯水以竹竿餌釣於盤中須臾引出皆

長三尺餘操又曰既已得魚恨無蜀中生薑耳放曰亦可

得也操因曰吾前遣人到蜀買錦可過勅使者增市二端

語頃即得薑還并獲操使報命後曹出近郊士大夫從者百許人慈齋酒一升脯一斤手自斟酌百官莫不醉飽操怪之使尋其故行視諸鎮悉其酒脯矣操懷不喜因坐上欲收殺之慈乃卻入壁中霍然不知所在後漢書方術傳

唐

長慶道巖禪師廬州人初侍光孝便領悟微言即於湖南大光山剃度暨化緣彌盛出往長慶上堂彌勒朝入伽藍暮成正覺說偈曰三界上下法我說皆是心離於諸心法更無有可得看他怎麼道也太般惺惺若比吾徒猶是鈍漢所以一念見道三世情盡如印印泥更無前後諸子生死事大使須薦取莫為等明業識忙忙盡為迷已逐物世尊

廬州府志卷三十八 仙釋

二

臨入涅槃文殊請再轉法輪世尊喟曰吾四十九年住世不曾說一字汝請我再轉法輪是吾曾轉法輪耶然今時嶽中建立篋寶主問答事不獲已蓋為初心耳僧問如何是長慶境師曰閣黎履踐看問如何是佛法大意師曰今日三月三日學人不曾師日止止不須說我法妙難思便下座咸平二年示寂 明隆慶志

無為鐵佛因禪師僧問如何是和尙家風曰一尋寒水自為鄰二事秋雲更誰識進日和尙家風蒙指示為人消息又如何師曰新月有圓夜人心無滿時 明隆慶志

廬州開光宗禪師上堂說偈曰一不做二不休振轉鼻孔捺下雲頭禾山解打鹽官鼓僧繇不為戴嵩牛廬陵米投子

油雪峯依舊輓雙毬夜來風送衡陽信寒鴈一聲霜月幽 明隆慶志

慧滿禪師貞觀間結菴於合肥大蜀山嘗誦法華經忽有白衣道門曰我東海龍王少子也聞梵音特來聽法時通苦早僧令其降雨荅曰盜布天澤當殛死師曰汝捨此身以救民我誦此經以度汝言畢不見須臾膏澤沱沱越三日有龍死於山隅師收而葬之民為立祠其尸水旱祈之必驗 明隆慶志

三刀禪師唐末居廬江顯寧院黃巢之亂為賊所執斫之三刀無血世號三刀禪師 明隆慶志

義了道人合肥鍾離氏子嘗為進士去從浮屠學名所居為

廬州府志卷三十八 仙釋

三

昨夢齋吳正仲有詩云不受塵網纏祝髮趨幽屏同視眞夢事超然得深省寂照涵虛空夢覺等前境 輿地紀勝

崔之道舒城人為瀟山眞元宮道士嘗見二仙人對弈與一弈子命吞之自此言禍福輒應後尸解 明隆慶志

崔自然巢縣人少學道得服松脂法後隱於城南洞中辟穀修煉冬大雪常於溪中澡浴每入山虎豹見之皆蹲伏一日謂其徒曰我為仙官所召言訖而遁後有人自豫章來者見之於道疑蟬蛻云今石牀藥鼎尙存 明隆慶志

伏虎禪師不知何許人亦無姓名昭宗光化三年結庵冶父山絕頂賜號孝慈伏虎禪師及吳王楊行密捨宅名光化寺請居之師厭其穢雜天復二年別搆一庵於冶父之陰

弟子受戒者八百餘眾

康熙志

春秋山二禪熙寧中石巨記云余嘗遊春秋山有二禪之像存焉世傳二人者繼隱於此說形以去

輿地紀勝

宋

李景僊祥符中道士居天慶觀教書萬卷時玉清昭應宮成求道書於天下迎居昭應後遣歸景僊之兄名僊芝登進士有弟爲僧名智曇時稱李門三教

州志

釋道川崑山狄氏子初爲縣之斗級間東齊謙首座爲道俗演法往從之習禪一日因不法遭笞忽於杖下大悟遂出家依謙命名道川且謂之曰汝舊名狄三今名道川川卽三耳汝能堅起脊梁了禪佛事其道如川之增若放倒則

廬州府志卷三十八 仙釋

四

依舊狄三也建炎初叅謁庵於天封機鋒投契精通金剛般若經後主冶父法席

縣志

元

周眞人住羣僊觀善醫藥及相地樞密王公識之後遇許眞君從之遊不知所終

縣志

清慧禪師名法雲字湛然至正間開演御講特封國師清慧其賜號也初住合肥明教寺後住無爲報恩寺爲開山第一代法祖遺塔在城南三里孔道旁碑碣尙存

州志

妙果禪師自號無住翁饒之樂平人嘗發願云吾今生不作佛當入無間地獄東遊四明天台浮梁諸山歸憩於巢邑民柳氏割山地建蘭若以棲師手創一塔是夜有光如正

練自天際散於五峯之頂三夕乃止居民數十里聚觀咸駭異之

康熙志

明

合肥僧了然居西門外三里庵目不識字口不譚經年七十九一日跌坐說偈曰我今去我今去不向幽泉一條路直上西方見如來好認從來眞面目言畢而寂

縣志

五乳和尚上恩弟子德璞傳臨濟宗住錫大蜀山開福寺闢草建刹復振慧滿宗風人咸重之

縣志

可靜禪師居廬江大隆寺洪武初考選天下名僧第一賜錦欄架裝紫金盃孟永樂間遣御史白玉修其墓

康熙志

博山禪師名大猷俗姓沙舒城西關人十五歲棄家爲僧師

廬州府志卷三十八 仙釋

五

新城壽昌於大好山中先是艤遇印宗示以沒蹤蹟處沒藏身藏身處卻沒蹤蹟參近二十餘年無得一日閱傳燈錄趙州囑僧語始省走質壽昌深思兩月面黃如紙坐盤石上開護法神倒地遂覺豁然命叅龍吟虎嘯公案師引筆疾書云般活爭雄各有奇模糊肉眼曷能知此光不會時流意依舊春風逐馬蹄壽昌顧之笑曰今方知吾不汝欺也厥後宗教大振爲世導師還舒省墓浮江至金陵說法歸而謝世

康熙志

無爲古城僧了然受戒於鴻茲澹公不食鹽醬日誦經以無念爲宗年七十四一日坐龕中自令封識三年後啟視之貌如生臂可屈伸衣履潔淨大猷驚異競布金莊嚴之

康熙志

縣志

隱明和尚濡須人年十五入滿之華嚴庵受戒苦行三年齋
齋十二年閉關六年透悟宗風目不識字出口成偈著消
飯集一帙冬日取寒泉澡浴常汗出圓寂後三年體不壞
顏面如生 康熙志

吳崇信無爲道士嘗遊長沙傳毛真人雷法能驅役鬼神祈
禱甚驗 江南通志

張以傑江西南昌人正德初年十七至合肥白鶴觀開道修
真奉欽法之尤善祈禱符籙 康熙志

徐謙三吳鄉人善符籙能驅風雷郡邑早請禱立沛太守龍
詰贈詩云心上真機旋造化掌中神術滾風雷 康熙志

《廬州府志卷三十八 仙釋

六

常樂寺僧合肥北鄉人隆慶間修淨土業苦行數十年積薪
甚高莫喻其旨一日沐浴解大袱端坐其上語貌如常寂
環伺之僧張目曰何須爾俄見青碧微光騰騰若電自口
鼻中迸出燭其軀頃刻立盡獲舍利數十粒惜逸其名 康熙志

林道人永貞觀羽客也蹤蹟詭秘人莫能測每得錢與數丐
傳瓢而飲終日酣酣箕踞而已亦莫問其鉛汞刀圭之術
同輩惡之莫與爲伍臨終白日冲舉至今名其橋曰昇仙
康熙志

周和尚世居山溪凹正統間試天下僧居第二通書史譜天
文地理韓襄毅公征西周披袈裟參謀軍事韓出對云和

尚挂紅穿綠非莊嚴實則莊嚴周應聲曰大人衣紫腰金
素富貴行乎富貴辟方山以梅花百韻令和一分吟成 縣志

李虛庵廬江人寓居六安行導引術虎皮張真人密度之張
自言出西域轉北洲還中國止度得虛庵一人見天仙直
論 縣志

行瑛爲景福寺僧正博通佛書能以己意化導人嘗捐貲百
餘金塑佛像一日往遊京師回囑其徒以後事冥目百
日遂示寂人以爲得道云 州志

翟道人遠人故某將軍部卒不知其道術所由得嘗從將軍
出行邊路半忽失之凡物色數日而後得則入定於馬上

《廬州府志卷三十八 仙釋

七

也萬歷間吳少司馬光義攜自陝西寓無爲西門外謝家
莊二年或數日不食或盛夏據大石長臥赤日中至七八
日處暗室未嘗需燈以水漱口飲病者輒愈與人語在顯
密之間崇禎丙子道人在燕西山中司馬遣使迎之荅曰
我當有書來旬日閒正陽門道上忽小僮投一札司馬自
與中開視之止知足不辱四字司馬乃挂冠而歸 州志

國朝

釋星朗闡漳龍溪林氏子舉天啟丁卯鄉試仕屯部郎出守
肇慶渡揚子江參天界博山和尚深領法要於是棄官薙
髮徧歷名山巨剎後至廬江卓錫冶父祖庭寺寺有古
樹一株枯而復榮遂於亂榛中創建殿宇四方學者雲集

康熙癸丑春樹忽萎倒溪中星朗曰樹倒老僧行矣沐浴更衣脚踏說偈而逝

康熙志

石門湖廣人國初杖錫來濡須居西城茶庵面壁之餘輒發吟詠蓋亦避世而逃於禪者著有野敲集一帙其山居詩云小結茅庵隱竹松當門潭靜足潛龍明霞晚落紅如火芳艸春生綠遍峯茶熟砂鑪和月煮蔬肥石臼帶雲春眼中不見興亡事盡付溪山半夜鐘

州志

通達和尚不知何許人康熙五十年開來土橋鎮寄居城隍廟粒食絕不入口惟日飲水三十餘升夜則誦經達旦如是者近十日忽買薪積平原僻處端坐其中引火自焚瞑目誦佛號而化鎮人異之即其地建塔竝爲立廟以祀之

廬州府志卷三十八

仙釋

八

州志

戒傳字大文藏佛岩天池庵僧乾隆間景福寺僧延請住持本寺戒傳見其殿宇傾頽寮房毀敗乃發願站關募修廢寢處者一載形容自若後州人其延之出關數日脚坐而逝

州志

廬州府志卷三十九

賜進士出身廬州府知府溫陵張祥雲主修

列女

貞孝

宋

張勝女奴兒合肥人淳熙十一年冬母病劇奴兒割股肉以食母病遂愈淳熙十二年知廬州軍事王希呂以其事聞於朝遂刻石

元

高歷妻張氏廬江人母病目喪明氏歸省抱母而泣以舌舐之忽復能視州縣以狀聞褒美之

明

廬州府志卷三十九

列女貞孝

一

張亮女舒城人年十歲餘亮疾甚女禱於神割股以進其兄孟奎孟卒及其姊亦割股和藥以療父疾竟瘳

國子生李禹女秀真無爲人幼聰慧頗知書史隨父在南雍父以疾告歸卒於道真哀痛嘔血死一時士大夫咸哀之陸萬鵬妻侯氏合肥人姑周氏病亟忽思肺羹氏于午夜引刀剖腹割肝葉寸許復封右股肉和糜進之姑病遂愈氏創亦尋合人稱奇孝

隱士郭嘉禎妻程氏舒城人姑周氏病割股奉姑姑愈其姊傅氏值姑復病亦割股奉姑亦愈後程病長子萬化妻胡氏亦割股以療次子萬里妻葛氏亦然萬化子生員士亮值母病亦割股療萬里病其次妻蔡氏及其子生員士豪

亦到康療之一門之中忘身事親者得七人焉以上崇禎

陸某妻侯氏合肥人嘗割肝以療姑病

周振鼎妻崔氏合肥人負姑避難行三十里姑病急倉卒中

割肉為羹進之立愈年七十始出刀痕以示子孫

潘孟禮二女舒城人宣德間姊以目疾不字妹誓與俱養親

終老於家壽俱八十葬洋萍陂之原

孔閭檜妻郝氏舒城人事姑孝嘉靖時旌

孔希文女舒城人十餘歲立志不字後以老壽終於家

張崇舜妻朱氏廬州舒城負姑潛匿稚子翼隨之夜行晝伏啖

草飲泉姑賴以生

廬州府志卷三十九 列女貞孝

二

奚氏女舒城八年十二母許氏病危割股肉進之遂愈先是

許亦嘗割股以療其姑

生員曾灝妻孔氏曾永昌妻湯氏監生謝朝奉妻胡氏某妻

宗氏胡三銓妻許氏皆割股療其姑生員王國銓女割股

療其父俱舒城人以上康熙志

沈維新妻張氏合肥人事姑至孝壬午城陷奉姑避賊姑病

不能行謂婦曰我老不必慮汝當自為計婦泣對曰棄姑

偷生義不為也鋒刃林立扶持盡瘁數與賊遇賊若無所

見者哀姑得以保全夫病割股愈之鄉里稱其孝義

張智女廬江人許字吳修文未嫁吳病死氏矢志守貞年七

十七卒雍正十一年請旌

賈子貴女舒城人少孤兄又早歿嫂遺腹生男女曰賈氏不

絕者賴此一縷耳吾與嫂共守之遂終身不字以壽終葬

洪家坂里人稱賈氏貞姑墓以上縣志

鄭世俊妻左氏舒城人明末寇變闔室逃亡翁姑與世俊俱

染疫癘氏剪髮易藥療之俱痊以壽終

國朝

楊一丁妻李氏合肥人繼姑病篤割股以療每年十月至二

月與姑同臥起以慰其寒有淮南孝婦之稱

陳啟泰女合肥人許字蘇知非年十九未嫁知非從征滇南

沒氏守貞不二年近五十卒里人為之建坊名其巷曰貞

女巷

廬州府志卷三十九 列女貞孝

三

丁澤光妻陳氏無為人姑病氏割股以救香滿一室姑病尋

愈

大學士李天馥夫人李氏合肥人事姑張太夫人最孝病中

剗肉和湯藥進之太夫人出鄉賢都御淳之後年未三旬

即為夫娶副室瞿氏所生長子天馥也蓋斯樛木之德凡

再傳尤著矣以上康熙志

李遇春妻巫氏合肥人姑病氏割股療之姑病得愈子希妻

張氏明末寇亂避難遇賊帶以身蔽父幾為所斃張身掖

姑而受重傷人稱其孝

劉國正妻葛氏合肥人兩姑病篤先後割股和藥飲之皆

愈後姑卒葛哀痛成疾尋亦卒

文學楊寵女合肥人許字丁守庸以母歿自幼卽歸丁未成
禮而庸卒女年十八守貞不二歷五十九年乾隆五年請
旌

潘鼎母衛氏合肥人事孀姑極盡孝養姑病刲股年五十二
忽語家人曰某日吾歸期至矣至期無疾而死

余基達妻陸氏合肥人事姑孝姑病刲股療之獲痊壽延二
紀

褚雲女合肥人年十九父病劇女晝夜泣侍焚香額天刲股
以進遂愈

梅桂芳妻馬氏合肥人事太姑竝翁姑盡孝翁病兩刲股和
藥獲愈

廬州府志卷三十九 列女貞孝

四

進士胡永亨妻祝氏舒城人事姑極孝明季奉姑避寇白下
囊橐蕭然甘旨不缺同里被難者百餘口多周濟之寇平
歸永亨得綜理舊業內助之功爲多焉

郡庠生郭士璋妻衛氏舒城人本富室女知書值明季流寇

陷舒氏奉繼姑樊氏入山避賊虎穴薄暮虎突至氏以身
蔽姑虎驚駭疾去次日姑產男病不能行氏投已女於澗
負姑與叔奔卒免於難年七十八卒

任作璽女舒城人許字林中履未嫁中履歿女聞變哀傷成
疾就寢時顧父母日見生爲人依父母膝下死爲鬼將誰
依耶父母喻其意謀於婿家俾合葬焉

樊默茲妻朱氏舒城人家貧舅歿姑黃氏又善病氏旦夕侍

奉足跡不相離者十五年姑年九十三齒盡落病劇氏乳
之後姑歿氏哀毀成疾卒

生員周豐妻黃氏舒城人事孀姑至孝姑與夫俱病氏倉皇
刲股以進姑與夫皆愈

王來禧妻張氏舒城人姑病刲股和藥以進獲愈

監生江公錫妻朱氏舒城人性純孝翁病篤氏刲股以進而
愈後氏病劇其子潤甫十一歲亦刲股療之後公錫歿氏
守節以終

周之俊妻許氏舒城人性至孝姑病刲股療之夫病亦然
例監生陳萬言妻程氏舒城人性純孝姑胡氏病氏刲股以
進姑獲愈

廬州府志卷三十九 列女貞孝

五

舉人郭士瑛妻王氏舒城人事姑樊氏盡孝樊病劇氏刲股
療之獲愈後氏病其子婦蔡氏亦刲股以療之

方元璽女廬江人許字葉文元未嫁文元卒女年十六泣懇
往奠卽留侍孀姑守貞不二

孫世祿聘妻周氏無爲人未嫁孀歿茹苦守貞數十年雍正
十年請旌

庠生張弛女無爲人許字俞雙知書工詩畫未嫁而雙歿女
年甫十三矢天不字姑老且貧女常以紡績資遣婢饋給
無虛日年四十七而卒雍正十一年請旌

劉日吉女無爲人許字張世纂未嫁纂卒女年十七聞訃奔
喪留奉翁姑竭力營葬守貞不二乾隆三年請旌

庠生王弓女無為人許字張可權未嫁權卒女請往成服遂留奉舅姑守貞二十五年乾隆三年請旌

孫延嗣聘妻張氏無為人親迎有日而延嗣歿女年十六堅

請奔喪遂留夫家事祖姑舅姑極孝乾隆二十四年請旌

黃瑞徵女無為人許字胡謙謙卒女年十七往夫家守貞事

翁姑盡孝值姑病篤封股和藥復親嘗糞後姑卒哀毀成

疾數月亦卒苦志三十六年

吳天儀女無為人許字夏茂旭未嫁茂旭卒女年十六聞訃

往夫家服喪守貞不字父病篤女歸省封股以進遂愈時

稱其貞孝

高月照女無為人許字程正爵年十五未嫁夫歿女聞衰經

廬州府志卷三十九 列女貞孝

六

詣程哭奠遂留事翁姑守貞三十六年乾隆三十七年請

旌

庠生章成志次女無為人許字張之校未嫁聞校計更衰經

詣張守貞翁勸之歸女日兒爲未亡人來今安歸翁知不

可奪爲立子嗣以守乾隆四十五年請旌

朱錦榮聘妻徐氏無爲人年二十二未嫁朱卒守貞三十二

年乾隆六十年請旌

庠生劉宗弼妻李氏無爲人年十五姑病封股療之獲愈

丁良嶽妻徐氏無爲人姑胡氏病篤氏封股和藥以進姑遂

愈初胡氏事其姑亦曾封股云

邢肇功妻裴氏無爲人姑病氏親執澣濯不假手婢妾夫邁

危疾焚香額天願以身代隨亦病卒

庠生關大成妻朱氏無爲人姑病禱於大士前封股作羹以

進姑遂愈

方士瑯妻燕氏無爲人姑病氏封股作羹以進姑遂痊

監生凌應彤妻邢氏無爲人姑病封右臂肉以療之獲愈後

翁病又封左臂肉以療亦愈

職員裴銓妻朱氏無爲人姑病封股和藥以進獲瘳後值銓

病封股肉投藥傾救之銓病立愈

宋明試妻孫氏無爲人姑病篤封股作羹以進姑病獲痊

魯國興妻吳氏無爲人姑病垂死氏焚香祝天引斧剖脅封

肝作羹以進姑病立痊氏夜夢神人納以紅丸一粒創口

廬州府志卷三十九 列女貞孝

七

遂合蓋其誠孝所感云

萬鍾妻周氏巢縣人夫病封股救之不起姑病復封股忽聞

吳香噴鼻姑病遂愈氏嘗臥病聞翁病欲飲水氏匍匐汲

以供之人咸服其孝年四十九而卒 以上州縣舊志

吳修文聘妻張氏廬江人未嫁聞吳病死氏引繩自絕母救

甦矢志守貞長齋繡佛代母督內政家衆肅然至七十七

歲卒雍正十一年請旌

張氏女無爲人守貞不字乾隆元年請旌

編修李字青女李氏合肥人許字廬江宋嗣熙未嫁而嗣熙

死女年十四聞訃截髮自誓坐臥一小樓奉觀音大士像

桐城方望谿先生爲之作傳載雜文乾隆五年請旌

生員王朝璿姊王氏合肥人母張氏得痼疾女奉母誓不字

人守貞至六十四歲卒乾隆八年請旌

李端聘妻楊氏合肥人年十四未嫁端聘服賈久不歸父母

舅姑俱憐其少勤改適不從後端聘死女聞耗往夫家孝

事翁姑紡績度日守貞三十七載

丁梅聘妻聞氏巢縣人未嫁丁遠出不歸女守貞誓不改字

閏六十年乾隆十五年請旌

張學易聘妻芮氏舒城人未婚守貞乾隆二十四年請旌

李浴曾女合肥人許字宋和和沒氏年十六聞訃守貞四十

七年乾隆五十九年請旌 以上府案

許襲薰女合肥人許字方琳未嫁琳死女年十七哀請奔喪

廬州府志卷三十九 列女貞孝 八

遂留事舅姑琳兄子少喪母女教養兼至鄉里賢之現年

四十八歲

胡邦俊女合肥人許字殷三祝未嫁而三祝死女年十六矢

志守貞足不踰房閨

監生唐仕清女無為人許字楊同濟年十七聞濟死絕粒五

日垂斃父知不可奪告楊迎歸持服守貞事翁姑唯謹今

二十年

朱蘭芳聘妻張氏無為人九歲童養於朱未成禮蘭芳死女

年十九矢志守貞今五十四歲

方應昱聘妻汪氏無為人年十二父母俱歿童養於方未成

禮應昱死女年二十矢志守貞飲冰茹荼孝事翁姑今三

十年

新起柳妻黃氏舒城人事姑至孝姑病風痺氏左右扶持旦

暮無閒姑沒凡所嗜物皆不忍食起柳嘗有疾氏封股療

之獲愈及氏自病其子夢元亦封股療之後元妻倪氏子

章暨侍夢元病章暨妻黃氏侍章暨疾皆封股焉

曾湧泉妻靳氏舒城人試用訓導靳夢元女也年十二其繼

母周氏病危氏封左股療之獲愈越二年周復病氏又封

左股療之及歸會適曾得疾氏封右股和藥以進後數歲

曾又病氏復封右股和藥以進竟不起時氏年二十七備

歷艱辛不數載以勞瘁致疾卒

高嶺妻王氏舒城人事舅姑至孝姑病篤氏封股以進獲愈

廬州府志卷三十九 列女貞孝 九

張道愷女合肥人性至孝以父母就衰矢志養親終身不字

數十年足不踰閭年五十四無疾終

朱世琢妻趙氏合肥人姑病氏封股療之氏子輅娶袁氏於

舅姑病封左右股和藥輅長子正仁妻程氏於姑病夫病

封股亦如之

陳必倫聘妻吳氏無為人未嫁必倫卒氏年十八聞訃守貞

現年五十六嘉慶七年請旌

監生邢月英女無為人許字廬江劉大帥未嫁劉歿女以死

誓請往奔喪立子守貞敬奉翁姑娶婦邢氏其姪也子旋

卒與幼婦共撫孤孫大帥兄瑞麟舉北闈鄉試聞於公卿

贈額立傳現年五十一

葉秀南女無爲人許字李光箕光箕歿女年十六聞計奔喪
守貞不二舅姑憐其志立子爲嗣年近八旬

州同張可法女無爲人許字盧邑沈於澍未嫁澍卒女往夫

家矢志守貞翁病嘗封股以進立愈乾隆五十二年卒

沈元輝聘妻程氏名應姑無爲人未嫁元輝卒女年十七聞
計引刃投繯皆以救免乃衰經適沈終喪矢志完貞孝翁
姑不贅立姪承祧卒年五十四

何正坤聘妻徐氏無爲人年十二歸何爲養媳未成禮正坤
死守貞不二現年五十五

孝廉汪錯女無爲人許字監生季雨蒼次子未嫁夫飄泊爲
僧祝髮寄注示以渝盟氏誓死守貞侍養父母盡孝

廬州府志卷三十九 列女貞孝 十

艾志高聘妻丁氏無爲人童養未婚志高卒氏年十六矢志
守節卒年四十八

廬州府志卷四十

賜進士出身廬州府知府溫陵張祥雲主修

列女義烈一

漢

焦仲卿妻劉氏建安中仲卿爲廬江小吏劉氏爲姑所出自
誓不嫁其家逼之乃投水死仲卿聞之亦自縊

唐

朱延壽妻王氏舒城人延壽姊爲楊行密夫人延壽與田頌
通謀事泄行密詐爲書召延壽至執而殺之延壽赴召時
妻謂曰此行吉凶未可知可日發一使以安我一日使不
至妻曰事危矣戒奴僕令守門捕者至則聚寶貨焚府舍

廬州府志卷四十 列女義烈一

曰誓不以皎然之軀爲讐人所辱遂赴火死

元

余忠宣公闕夫人蔣氏合肥人公守安慶時城陷夫人率其
女安安赴井死維揚張毅云近考余忠宣公夫人死節姓
氏太史宋先生傳書耶卜氏元史節要載耶律氏死節記
作夫人蔣氏書記不一莫得其的因細詢忠宣姪孫宗烈
云叔祖父有妾耶律耶卜氏叔祖母夫人實蔣氏則知向
者所書皆妾之姓氏也恐泯其嫡之貞節遂書之以示久
遠

明

黔國吳威毅公復合肥人其妾楊氏及笄從復薨時楊年

甫十七歲復殮竟沐浴更衣自經以殉事聞嘉賞封貞烈夫人詔從葬復墓下仍旌其門

漳國鄭忠毅公亨妾張氏合肥人亨薨張自經以殉詔贈貞節淑人

仰賴妻李氏無為人賴故氏哀號竟日水漿不入口因自縊以殉本州上其事詔旌曰貞烈

張氏二女家合肥方山正德壬申春三月賊至驅之以行女相攜赴塘水死後得其屍手猶不解聞者咸歎其烈以上明隆慶志

吳一朝妻趙氏合肥人嫁期年而夫歿舅姑父憐其少勸令改適氏恐終奪己志局戶自縊事聞詔建坊

廬州府志卷四十 列女義烈一

二

生員謝昌言妻詹氏合肥人昌言貧且病瀕危呼詹曰若艱辛萬狀可早為衣食計勿守常節也詹泣請先死遂自縊未幾昌言亦死郡人黃道月為之傳

生員任育民妻解氏舒城人育民蚤夭氏年甫二十許翁老而貧饔飧不給受某姓禮遣嫁氏哀號走匿舉家驚索竟自縊死

黃仁後妻胡氏舒城人年十七歸黃未及期夫歿次年生遺腹子數日抱以授姑從容自縊死合葬城西冢生運理樹事在宏治中

陶憲卑妻汪氏舒城人居梅心鎮鄰有惡少某窺氏姿夜梯牆入氏抵死拒之大呼動鄰里惡少乃奔逸次日氏以首

觸壁掩面泣曰女子無聞外聲我雖不受污何顏復活越三日局戶自經死惡尋伏法

丁氏女廬江人許字王子詔詔病歿女持服三年值歲大祲父謂曰汝以弱女子而稱未亡人今日夕為餓殍盍擇一善所他適乎女泣謝曰女自有死所父潛許鄰子親迎有日女陽為不聞一夕整衣危坐乘間投舍傷井中時縣令以勸農至得女死狀碑其墓表其閭

侯一香妻潘氏無為人一香早故里有富人乘其告貸挑之氏怒立還所貸富人復誘至家欲污之氏怒拔壁上刀自刺死血濺富人衣當道以其事聞於朝有詔旌其門富人伏法以上明崇禎志

廬州府志卷四十 列女義烈一

三

耆老殷尙禮妻潘氏合肥人事夫如對長上終身無褻容嫚語夫年六十患瘡割股進之次日霍然

高士俊妻孫氏合肥人年十七夫出貿易溺死氏聞自經胡一龍妻關氏合肥人崇禎乙亥寇至被掠不辱投水死學使趙函乙妻解氏合肥人崇禎壬午城陷賊至隨母高氏赴水死後函乙側室胡氏媳汪氏俱以節稱

舉人趙觀乙妻王氏合肥人明末遇賊投水為家人救甦聞夫被掠哀號絕食五日而殞

生員王之翰妻陸氏妾張氏合肥人夫亡守志賊至遇害舉人高士貞妻王氏合肥人壬午間賊至令婢僕護二子一幼女出城誓死閤閣與長女投家園井中婢梅兒從焉後

幼女適生員許孫落亦以早婦著節

王希松妻臧氏夏聘功妻韓氏俱合肥人賊至皆不辱死

生員汪瑛母周氏唐經國妻董氏胡拱極妻黃氏俱合肥人以罵賊被殺

生員王時彥母湛氏妻張氏成允母陳氏其姒張氏蕭嗣傑妻葛氏胡璞母余氏俱合肥人寇至投水死

烈婦某氏合肥人壬午之變避難至縣橋遇賊投水賊下馬將掖之氏披髮大罵身中數矢死

生員錢如容母吳氏合肥人賊至侍老姑不忍去延頸就刃賊義釋之後以壽終

生員王驥妻趙氏程汝珍妻劉氏俱合肥人壬午遇賊投水

廬州府志卷四十 列女義烈一 四

又王姓妻趙氏年十八死事亦同

沙棟妻張氏舒城人年十七嫁未及期夫死母諭以年幼恐不能終節張以死自誓是夕即投繯卒

生員孔允禧妻胡氏舒城人壬午之亂遭難極慘後數十年過其地者往往聞哀惻聲

郭士行妻陳氏舒城人年二十五士行死遺二子後二子亦死氏曰我先不即死者爲兩孤也今生何爲遂不食而絕

徐道存妻方氏貢生萬運昌妻彭氏俱舒城人刲股療其夫黃家屏舒城人壬午寇難婦女五人同時投入深井越數日

過者猶聞悲痛聲

生員任翼世母孔氏舒城人寇至隨姑張氏殉義妻祝氏亦從

容投井一門三世並稱節烈

胡太史守恆女舒城人未笄見父母遇害痛哭罵賊賊支解之又守恆妹適金生一亦罵賊死

生員汪士德妻洪氏舒城人姑年八十餘寇至扶掖出避賊前欲犯之氏堅抱其姑被殺有女始笄反刃擊賊亦被害生員曾脈昌妻濮氏舒城人太僕中玉女也賊劫之使從不應賊怒曰汝不去殺汝一家又不應與兩媳李氏黃氏俱死之

朱名遠妻方氏生員楊善妻程氏俱舒城人嘗以刲股聞竝死於賊

曾克昌妻謝氏舒城人賊劫逼令炊飯不從沃以沸湯亦不

廬州府志卷四十 列女義烈一 五

爲動乘間拾刀自刎死賊怒併殺克昌

曾之唯妻黃氏舒城人城陷自縊一女未笄賊至執其臂女大罵引刀自斷其臂而死

貢士趙振先妻某氏舒城人賊脅之不從振環立鼓刀氏罵益烈一賊前斷其頸挺立如故

黃某妻胡氏舒城人年二十四被掠賊百計誘之氏厲聲罵賊賊斷其喉而死死之日人見其白晝至夫家語坐移時

命婢當保愛吾兒凡生前未了瑣細一一囑之始滅祝亮工妻桂氏舒城人避賊於春秋山賊見氏端麗前擁之

氏抱一枯樹不動曰此吾死所也賊持之急氏哭罵被害頸已斷猶抱樹不脫後亮工至其手方解

汪世德妻楊氏任天經妻許氏姚永祐未嫁女生員李郁母
夏氏生母周氏俱舒城人聞變慮出門被污從容自盡
生員曾之才妻張氏侯之楷妻胡氏江躍鯉妻孔氏張天鼎
妻單氏俱舒城人夫婦罵賊同死

汪孝誠妻祝氏年十九祝石門妻陳氏劉見鳴妻張氏年二
十餘俱舒城人以夫亡守節城陷時陳祝並過古稀張已
逾八秩俱號哭自盡行路哀之

孔尙綱妻王氏生員汪大普妻曾氏舒城人賊至同時見殺
生員祝汝義妻耿氏舒城人少讀書通曉孝經列女傳夫亡
矢節賊至捐生

姚永著妻王氏黃爾新妻吳氏江教妻胡氏郭維慶妻許氏

廬州府志卷四十 列女義烈一 六

監生祝長社妻李氏俱舒城人賊至同赴水中賊搜獲之
許顏色殊麗賊殺其夫擁之不從大罵投水諸婦亦俱罵
賊死又任科妻王氏有絕世姿其見逼與許同而死尤慘

酷

李楷聘妻張氏舒城人遇賊不辱被砍顏面如常曰乞再賜
一刀以全我節

江祥生妻孔氏賊至墜樓死貢生任民望妻張氏觸柱死張
振傳妻夏氏赴水死張士傑妻孔氏羅希聖妻員氏赴火
死黃應時妻傅氏徐自昇妻王氏張克恭妻陳氏朱嘉賓
妻金氏生員張國藩妻孔氏俱罵賊死任成治妻王氏沙
之繩妻李氏祝更生妻黃氏李才母黃氏生員胡永福妻

吳氏俱義不受污先後被害俱舒城人

貢生王孫謀妻張氏廬江人中書舍人永年太學生延年之
母工部主事鳳鼎之祖母也事翁姑克盡婦道訓子有古
慈母風崇禎乙亥正月城為賊破張與鳳鼎妻姚氏俱死
之延年妻呂氏賊至自投城下身被數刃已而復甦時稱
一門三節云

劉芝妻張氏廬江舉人大受女也寇至氏先期與芝訣曰若
奉母亟避妾惟有死耳因乘閒自盡袖攜觀音像一幅金
剛經一卷芝為殉葬焉

貢生姚履和妻丁氏廬江人城陷與妾談氏俱赴水死

趙天任妻徐氏毛可達妻姚氏曹二妻周氏俱廬江人年皆

廬州府志卷四十 列女義烈一 七

二十餘夫亡守節賊至慘死姚以罵賊遇害死尤烈

謝容妻錢氏無為人年二十七容卒氏號踊求死家人屢救
得甦兄貫欲奪其志求死愈迫姑姆更續防守之一夕少
懈自縊死

邢瑞妻林氏無為人年十八于歸夫疾願以身代及卒誓以
死從比葬觸棺死家人救甦終不食死

汪賜兒無為人年十五鄰有狡童窺之賜兒不勝忿自縊死
蕭貞白妻張氏無為人崇禎十五年流寇至夫妻俱被執氏
給賊使釋其夫遂冒賊賊斷其舌投屍烈燄僕蕭隨見氏
死厲聲罵賊賊支解之

徐畢璋妻朱氏無為人流寇破城朱方孕與璋妹奔井邊氏

曰井口狹煩姑推而納之朱既下瑋妹哭曰父母安在吾伴嫂死矣亦隨躍入井中

陸官治妻沈氏無為人年十八有少姑名蟾女年十四兩人最相愛聞亂指後園井曰我輩身為女子儻有變此畢命處也寇至沈以嬰兒付保母與姑以巾帕相繫投井死經七日獲其屍衣履皆纏束完密不露寸膚

張景平妻朱氏胡羽王妻呂氏侍女桂喜石汝瓊妻蔡氏俱無為人寇至溺死

生員劉光生妻朱氏畢力尚妻張氏俱無為人與姑同遇賊以計脫其姑然後自盡

趙崇仕女文姑無為人言字沈可憐馬賊被害

廬州府志卷四十 列女義烈一 八

余承德祖母劉氏母劉氏妹玉女皆無為人崇禎壬午寇至劉氏魏氏被刃承德衛之同黨楊氏投水死玉女年十六罵賊不屈肩肉寸磔一門死難最慘烈

蘇蔭芝妻阮氏無為人有營卒窺婦美逼之婦知不免給以就浴遂閉戶自縊死時年二十

張必美妻蕭氏無為人歸美牛載美卒氏年十七與姑王氏同婦鄰徐爾興強委禽焉氏堅不從爾興以勢脅之其姑懼禍氏曰我死禍即已何懼為遂自縊死

吳宗堯聘妻胡氏巢縣人于歸有日夫病死計聞女不食七日死

徐奇女巢縣人許字生員曹大復尚未及笄賊至遵父命從

容益死

胡學禮妻徐氏生員徐奇妹巢縣人城破引刀白刎賊去復甦數日而死

葛遇明妻尹氏巢縣人夫婦同死於賊

李從仕妻嚴氏巢縣人為流賊所執梟烈饑寒遂投之死趙宏勳巢縣人女佛兒年十五崇禎乙亥賊至執之女厲聲罵與祖母熊氏同見殺

陶之令妻沈氏巢縣人賊至被執延頸受刃死

嚴成志巢縣人女五一兒年十六父與母陳氏與賊鬪死賊擊之行大罵賊怒殺之一門三烈云

葉士彥妻陳氏得氏巢縣人彥被誣死籍其產二氏攜手投

廬州府志卷四十 列女義烈一 九

水死士彥櫬歸與氏合葬避谷旁即士彥生前注易處以上原照志

庠生儲汝英妻王氏合肥人寇變赴水水淺不得死賊逼之上岸罵不絕口引懷中刀刎死賊相顧愕然曰真烈婦也邑人共捐金葬名烈婦冢

李蒼霖妻王氏合肥人壬午寇陷城既殺其夫欲掠之婦抱夫屍且哭且罵不屈死

庠生張天寵妻程氏合肥人寇變氏時居母家同婦母嚴氏及弟妹避賊於褚家塘賊至遂投水死妹年十四許字許孫鏐罵賊不屈賊怒斫其面死而復甦

生員張異寵妻吳氏合肥人十九值壬午寇亂氏扶姑至

東關小史港內以泥污其面匿城垣蘆葦中賊搜見命洗垢欲強之去氏罵不絕聲賊怒殺之

尹起莘妻崔氏舒城人壬午寇掠三河被執不辱死一女年十六亦投河死烈婦某氏張奇之妻某氏某妻王氏郭嘉瑞妻王氏汪大鼎妻曾氏烈婦許氏鮑麟伯妻孔氏張國屏妻黃氏俱同時不辱死

庠生黃廷衡妻傅氏舒城人流寇陷城時氏寡女先投井死兩媳及女孫亦相繼投井氏俟女與媳俱殞始從容入井監生王用善妻潘氏舒城人寇入執氏罵賊賊碎斫之子希曾噤哭請代賊舉槍傷左臂時方穉人稱其孝

李應詔母黃氏舒城人寇變恐被辱赴水死後應詔建庵於

廬州府志卷四十 列女義烈一

十

西山逢忌辰輒號泣奉食如事生竟以哀毀卒

王孫芳女舒城人壬午城陷爲賊所執不辱死

舉人張大受妻楊氏廬江人貢生張瓊廖母也崇禎乙亥流

寇圍城氏慷慨泣下拊諸兒曰不復能相顧矣城陷賊入

視倉皇避賊氏直走宅後聳身立城堞上擲地而絕數日

賊去家人從夾城中得其尸顏色如生

生員王祈年妻呂氏廬江人流寇充斥祈年攜幼子與妻出

奔左提右挈勢不兩全氏欲全其夫與子遂乘間觸石而

死

儒童李青妻呂氏廬江人崇禎十年流寇至西鄉氏攜八歲

幼子生謙匿馬槽山洞賊見氏少艾欲污之氏大罵抵死

不從賊脅以刃氏罵曰殺則殺耳何脅爲賊連刃刺之氏罵益厲四賊扛巨石擲之身首齧粉邑紳宋志靈避賊在對山親見之康熙十九年請於知縣廬天均表曰貞烈流芳

貢生王歷年妻盧氏廬江人壬午寇至氏年二十四攜二幼女匿母家夾牆中賊索得之時道傍有井氏給賊曰渴甚能以一瓢飲我得少蘇從汝可也賊因釋手翻身抱石投井而死賊怒連舉刺之井水爲赤竝殺二女婢冬桂目擊其慘傳於人至今人稱其烈

周氏女名畱姑廬江人幼許字邑人包某未嫁包病歿女聞訃卽更服往奠絕粒八日而死時年十六墓在西郊雙墩

廬州府志卷四十 列女義烈一

十一

口巡按洪公旌以詩曰未親夫而殉夫亡豈比尋常烈女行白髮尙難堅晚節青年誰肯損紅妝魂歸地下乾坤老名在人間草木香吾淚亦非容易灑哭渠千古振綱常

周欽女周氏廬江人幼字張姓及笄于歸有期而張氏子歿

女聞訃悲號勺水不入口者數日父母溫語勸慰之女終

無一言惟日夕飲泣而已久之父見女無恙將別議婚微

示意旨女乃大言曰父命焉敢違但父曾以兒許張張已

死願往奠焉惟父所命許之至張墓哭拜畢復望家轉拜

日兒將下殉張郎父其無以不孝爲罪遂觸石而死巡按

洪弔以詩曰所結同心侶泉臺媿獨存可憐甘誓死不忍

說分明血淚沾衰草黃昏慘墓門年年荒野月尙照未歸

地

白應時女白氏廬江人年十三字李氏子未婚而李歿女告父母乞往奠慟絕數四乘閒自縊死

許越女許氏廬江人乙亥寇變遇賊於芝蔴灘義不受辱脅以刃罵益厲賊怒以刀劃殺之身無完膚時年二十二

廩生劉曾妻呂氏廬江人于歸數月流寇圍城將出避氏指

倉下曰吾畢命地也舍此安適君速去遂屈身匿倉下賊已及門夫急踰垣避寇退啟視惟白骨一堆而已

姚五峯女姚氏廬江人年十八字邢賓蘭值流寇劫掠同鄉婦入山谷中賊搜得之殺年老者六七人獨畱姚氏逼歸

賊營氏不從投甘塘凹溪水死

廬州府志卷四十一

列女義烈一

十一

周天度妻崔氏廬江人壬午寇變天度爲賊害氏不辱自盡

順治二年知縣周廷祥旌以額

慈繼稷妻鍾氏合肥人夫早逝崇禎壬午流寇入城挈女與婢往依母家遇賊擁之不辱同投水死

貢生蔡業峻妻儲氏合肥人寇至不辱死其族人蔡世模妻靳氏蔡世纂妻董氏庠生蔡世和妻李氏寇至不辱俱投

井死

張華聘妻王氏舒城人幼而穎異長嫻禮儀壬午城陷爲賊所執女罵不絕口賊怒碎裂之

王明俊字子文舒城人壬午城陷與妻鍾氏訣曰子與姪不能兩全奈何鍾泣曰君勉爲鄧伯道可也遂抱幼子投井

死

東守顏繼室陳氏舒城人攜兩子避難氏曰生者可無子死者不可無子也遂棄已子畱前妻子

季烈女無爲人陳氏僕女也許字馬氏子馬貧未能娶有武弁朱某與陳密見女美謀於陳出白金百兩償馬聘而已

聘爲繼室陳許諾女聞之謂母曰主命不可違惟邀馬郎至家與兒一面可也嫗如言設酒食起馬至女隨母出再

拜而入檢篋中聘幣於庭大聲曰業已生離需此何爲馬泣而去女謂母曰馬郎無復再會幸遠送之嫗送近馬舍

而返女已自經事聞州牧李春華爲勒碑

董國治妻馬氏無爲人崇禎壬午流寇掠州之北鄉氏被執

廬州府志卷四十一

列女義烈一

十二

賊悅其色欲污之氏拒罵百端以頭觸賊刃血淋漓仆地

賊怒剖其腹而死

周培忠妻張氏無爲人壬午流寇掠北鄉男女皆奔避氏以夫病篤不忍離爲賊所獲悅其色欲攜之去氏且哭且罵

賊以槍戳其足昏絕仆地更火其廬與夫同焚死氏時年十九

貢生字道達妻耿氏無爲人鄉飲賓耿大化女年十七適道

達明季壬午有流寇之警先期自誓曰脫有不測吾惟一死及城垂破遂投河死時年十九

張岳生妻鍾氏無爲人文學鍾成樂女一日寇猝至懼不免遂投水死時年十九

以上州縣志

徐錫印妻朱氏成國公純臣女錫印嗣永康侯爵卒朱樓居
十餘年足不履地及流賊陷京師捧廟主自焚死

胡中恆女舒城人許字張阿閣城陷屬賊賊支解之

張姓婢鄭氏又某氏婦孫氏俱合肥人張奇之妻朱氏胡太

和女俱舒城人生員黃秉元妻某氏生員潘景黎妻陳氏

潘一鳳女潘玫妻朱氏何大知妻徐氏女何氏媳智氏喬

氏時氏楊茂儒妻馬氏女楊氏生員李應甲妻劉氏趙昌

言妻王氏妹趙氏負販妻某氏俱巢縣人賊至不辱死以

上江南通志

賜進士出身廬州府知府溫陵張祥雲主修

國朝

生員張燭妻杜氏合肥人年二十夫亡殉節里人爲之請旌

王羅春妻李氏合肥人嫁未期夫疾刲股至再不效夜與一

婢同懸尺組家人驚救之婢生而氏已死矣里人刻石以

紀其烈

劉勗妻方氏李成遠妻王氏武舉趙蘭妻王氏合肥人俱殉

肉以療其夫劉李兩婦復以節著

陳忠妻李氏合肥人年二十守節撫孤孤殤氏投水死

黃承業太倉人妻張氏名玉德合肥人承業養於肥婚後歸

省病亡氏聞投繯以殉時年十九

監生徐乾妻吳氏合肥人夫亡不食死乾子震元妻倪氏年

十九而寡孫烜妻羅氏年二十九而寡俱甘貧苦節

龔紹渤妻吳氏合肥人嫁未三月夫故絕食而死

王景燦妻董氏合肥人夫病甚氏盡刲臂肉療之臂脫遂死

沈夢雲妻楊氏舒城人年二十二雲故氏自經死撫院具題

請旌

臨淮周維先妻趙氏舒城人夫故氏自經以殉

高明令張國城妻王氏名璇玉舒城人夫亡吞金死

朱子才妻胡氏廬江人孀居六載遭強逼自縊死乾隆二十

二年請旌

奈達遠妻錢氏無爲州人勇任武昌司理隨鎮帥至江寧大
淳關兵譟通舟氏知不免從容投江死時年二十

陳子仲聘妻朱氏無爲州人未嫁仲殤陳爲其子叔更納采
焉親迎前一日女靚妝投水死

童師聖妻朱氏無爲州人順治戊子賊破州城氏乳數月孩
納懷中縫其衣閉門自縊死

生員沈可釗妻張氏無爲州人戊子寇亂官兵至大索婦隨
姑避鄰壁中爲所獲因跪祈曰姑老疾幸釋之吾家有秘
藏當引君恣所取兵隨往見藏爭攫婦乘間入寢室以稚
子屬老婢自經

廬州府志卷四十一

列女義烈二

二

謝桂女無爲人許字王道道歿女往奔喪不復歸一日母稱
病篤給至家已私約媒妁矣令饋魚款媒女喻意於母曰
此魚可憫奈何必令之死也從容入房櫛沐著王家原聘
衣裝密縫之坐帷中縊死雍正五年請旌

劉有紳妻謝氏無爲州人紳卒遺二子俱殤遂不食死

蔡常勳妻董氏無爲州人嫁未一朔夫病羸氏抱持供湯藥
者數年常勳兄素無行知弟必不起敦逼改嫁夜投水死
時盛夏顏色如生

季仲千妻曹氏無爲州人年二十夫亡氏以身殉

黃瓚妻吳氏無爲州人夫死氏年二十四族人逼令改適不
從強之氏啟後扉投水死

張寬妻陳氏巢縣人年十九而孀守遺腹子十年父病歸省
姑亦旋病氏刺臂作羹分烹以進筋斷血暈而卒 以上康
縣志

邑庠生蔡機妻金氏合肥人機死氏年二十八無子誓以身
殉平昔工書畫盡付火遂絕粒旬餘家人乘昏憤飲以參
湯既甦不變初志更延數日垂斃又潛飲以參終不變積
二十八日而死年二十八

蔡調和女合肥人許字劉智未嫁而智歿女聞訃遂絕粒閱
十六日死室中香氣殮後乃息

蘇慶甫女合肥人許字劉德之長子未婚而殤天文聞訃自
縊死

廬州府志卷四十一

列女義烈二

三

方永芝妻宋氏合肥人芝貧贅於宋不二載芝病氏晝夜泣
侍芝食亦食芝不食亦不食芝歿以贅時衣飾盡納棺中
絕粒十五日沐浴端坐而逝年二十二鄉人構祠祀之
汪曾三妻聞氏合肥人姑病常刲股療之夫病兩刲股弗效
及歿日夜號哭至葬睛枯流血葬畢遂絕食邑令李親往
勸之不易氣將盡姆爲之浴復甦積十五日死

高繼國妻陸氏合肥人年二十二夫死矢節不移事衰姑至
孝父風之嫁不從媒計劫之氏覺給曰俟歸別姑拜夫墓
及回縶紉姑衣夕侍姑寢泣告以故姑瞽瞍應之而已夜
半姑睡熟著敝衣跪而自縊鄉人哀之請於縣令勒石墓
上

蕭元秉妻賈氏合肥人母王氏苦節二十餘年元秉嗜學成疾卒氏遂勺水不進謂母曰母苦節女不能奉母然終不敢玷母也竟死焉

黎鳳文妻羅氏合肥人年二十一夫貿易溺水死氏聞訃迎喪禮葬畢絕粒十六日死

周宗武妻朱氏合肥人年二十三夫死矢志奉姑姑病嘗割股療之及姑歿遂絕食七日死

丁元凱妻湯氏合肥人夫亡氏年二十一矢志撫孤後三子相繼歿氏遂絕粒死時年四十七歲

朱吉士妻張氏舒城人少寡守節撫二子一女縫紉自給同伴婦忌欲去之一日計迫甚氏度不免遂自到死

廬州府志卷四十一 列女義烈二

四

生員關廷賢妻王氏舒城人夫死自到死

徐君仲妻劉氏舒城人君仲死氏年三十二里豪賄媒娶之氏聞於夫柩前自縊死里人葬之勒石表其烈

奚某妻晉氏舒城人夫歿族人欲奪其志氏度不免遂自縊死

生員宋又郊妻鮑氏舒城人又郊赴鄉試卒於旅邸氏聞絕粒死

方肇祥妻任氏舒城人肇祥以喪子哀感成疾篤氏潛自製斂具復吞針數枚以示必死及肇祥死斂後遂絕粒衰經皆重襲曰吾爲姑百年後服也邑令聞之親往勸之不應俄十二日死氏年二十三

宋又禮妻王氏舒城人歸宋二年而寡絕粒十三日死邑令表其墓曰貞骨埋香

孔席珍妻沈氏舒城人夫死投繯以殉家人覺救之不死閱半載防稍疎卒自縊死

郭宗玉妻衛氏舒城人歸宗玉未一載宗玉歿氏自到死

丁際昌妻李氏舒城人夫被誣畏罪逃匿役捕之逼氏無狀氏曰吾不能爲夫雪冤肯受若輩侮乎投井死

張十甫女廬江人年十七未字父爲無賴子所毆女隨母奔救無賴詬之語不潔女憤激自經死十甫貧且懦不能直其事里人哀之爲立碑曰天壤之間正氣難滅千古以來

臣忠女烈殺身成仁捐軀見節憤貫長虹光爭日月不散

廬州府志卷四十一 列女義烈二

五

英靈化爲碧血時康熙二十八年也女死後里中每聞哭聲題碑後乃止

張希獻妻方氏廬江人希獻歿氏青年守志有惡少某入室調之氏厲聲呵叱以拒惡少遁去氏憤激誓不復生囑其弟元璽爲撫遺孤絕粒十日而死族叔方期猷爲作貞烈傳行於世

宋東初妻汪氏廬江人年二十三夫死家甚貧子甫三歲父母將改嫁之氏泣謂鄰媼曰存孤吾職也全節尤吾職也吾不能兩全矣遂赴水死

童文成聘妻卞氏名煥姑無爲人文成年十六病卒女聞訃矢志守貞其父復許字某氏媒妁以聞于女女不語澣濯

入幃自縊死雍正十年請旌

吳元允聘妻張氏無為人元允性佞佛披薙九華山女守貞誓不他適長齋二十餘年聞元允死乃閉門自縊族人感其義歸葬祖塋側

葉子謙妻陳氏無為人年二十餘夫故氏絕粒死

童文炯妻王氏無為人炯卒氏年十九俟殮畢著衰麻自縊死州志胡良佐勒石表其墓

錢子福妻伍氏夫死氏年二十六矢節不二錢有叔不利其守囑翁姑勸改適不從思以計奪之氏恐不免遂自縊死宇自雄妻黃氏無為人世爲農年十七歸宇夫病侍湯藥數年不怠及夫死氏乘閒自經於夫棺前屈雙膝俯地麻衣

廬州府志卷四十一

列女義烈二

六

長跪若拜獻狀州守李廷煥親祭之

王應標妻孟氏無為人年二十三夫亡視殮畢絕粒十一日至柩前一慟而死乾隆二十八年請旌

王太初妻徐氏合肥人家貧夫出不歸苦守二十年竟餓死郭振華女巢縣人幼許字黃萬正萬正貿易外省數年不歸人傳其死時女年已二十四矣親族欲其改適女聞之誓死不從父母以女無托復許字袁姓親迎有日女知閉戶投繯而死雍正七年請旌

趙士玉妻英氏巢縣人年十八適士玉士玉久染瘋疾氏入門奉湯藥八年如一日士玉死氏持喪服闋遂絕粒十五日而死乾隆十三年請旌

史子明妻孔氏巢縣人年二十適子明生子四歲夫貿易溺

死氏聞計投繯死年甫二十五歲雍正七年請旌

任紹周妻郭氏巢縣人適紹周四載夫病死氏視歛畢卽絕

死十五日死時年二十四歲雍正七年請旌

剛啟元妻陸氏巢縣人夫病篤氏以死殉及剛死匝旬氏亦死

文學沈策之僕婦謝氏無為人策母湯氏待下有恩忽病篤謝氏年三十餘每夜焚香祝天祈以身代隨到股肉作羹和藥以進湯病旋愈番禹令楊公安泰記之以上州縣志

儒童李廣圻妻奚氏舒城人年十八于歸甫三載夫歿氏絕粒三日自縊以殉康熙五十六年請旌

廬州府志卷四十一

列女義烈二

七

蕭敬忠妻許氏舒城人年十七于歸未幾夫病氏刲股和藥勿效及歿氏年二十四哀號十四日自縊死乾隆四年請旌

何志厯妻陳氏廬江人年二十二夫亡治喪畢哀鳴其叔奉事翁姑遂絕粒不食死乾隆五年請旌

錢崇北廬江人妻王氏桐城人年十八夫亡水漿不入口者六日夜起至夫靈前投繯殉節乾隆七年請旌

呂之源妻李氏無為人年二十四歲夫故遺腹生女又不育氏泣曰公姑有兩伯兩婦足以奉養余將從夫地下矣觸牀柱死乾隆十年請旌

生員李甘妻陳氏合肥人事翁暨繼姑極孝一夕盜入室執

氏索金幣捶擊如雨氏罵罵不屈死時年二十九乾隆十二年請旌

徐某妻葛氏合肥人夫死姑欲嫁之氏自縊死乾隆十四年請旌

李某妻楚氏合肥人夫死族人欲奪其志氏慮不免自縊死乾隆十六年請旌

劉正魁妻吳氏合肥人年十九于歸正魁貿易死于外樞返氏痛絕復甦勾漿不入娣姒勸之氏曰我上無公姑下無子女以死從夫分內事也自刎死乾隆十九年請旌

朱有福妻周氏無為人里有強暴欲污之不辱自縊死乾隆二十八年請旌

廬州府志卷四十一 列女義烈二 八
張景純妻陶氏舒城人有無賴戲之自縊死乾隆三十二年請旌

張大綸妻湯氏巢縣人年二十二夫亡無子殯後絕粒十五日死乾隆三十四年請旌

吳尙義妻蔡氏合肥人年十八于歸二十二夫客死南省氏聞耗誓以身殉速柩返葬畢閉戶絕粒數日自縊死乾隆三十七年請旌

楊建由妻胡氏廬江人因為強暴所逼不辱自刎死乾隆四十年請旌

儒童郭呈舉妻鄭氏合肥人年二十四夫故絕粒九日死乾隆四十二年請旌

張成聘妻闕氏舒城人未嫁成遠買死氏聞耗自縊死乾隆四十三年請旌

錢永松妻杜氏無為人年二十六歲夫疾革氏泣日有長伯在翁姑幼子有賴惟願從死而已及夫歿遂赴水死乾隆四十五年請旌

生員倪國達妻徐氏合肥人年二十四夫沒衣縗經周身縫紉語娣姒曰我不幸喪夫今不及待三年喪又不克終事姑婢我死即以麻衣殮遂絕粒死乾隆四十八年請旌
汪某妻王氏廬江人有惡少以言戲之遂自縊死乾隆四十八年請旌

劉素川妻張氏合肥人夫傭於外同村有無賴子出語褻狎氏聞捐軀明志乾隆五十一年請旌
廬州府志卷四十一 列女義烈二 九

張合萬母穆氏廬江人有惡少挑之羞忿自縊死乾隆五十四年請旌

張某妻季氏無為人遭強暴將犯之不從投水死乾隆五十六年請旌

李永宗聘妻何氏巢縣人未嫁聞承宗死投河以殉乾隆五十七年請旌

吳應時婢名香孜合肥人有無賴子以言戲之羞忿自縊死嘉慶元年請旌 以上府案

張大業妻郭氏合肥人年十九夫病刲股療之不愈絕粒死楊向榮繼妻劉氏合肥人年二十一夫死已絕粒五日矣適

姑病強起侍疾逾兩月姑亦歿氏遂赴井死

范果妻徐氏合肥人夫病刲股願以身代及歿治喪盡禮葬

畢遂絕粒死年二十八

孔壘妻左氏合肥人乾隆十七年壘館三河鎮暴卒氏聞變

絕粒死年二十二

某氏婦家三河鎮值歲荒其翁姑不能自存欲鬻其長媳氏

前請曰姁年已長不如鬻我可多得值也翁姑然之氏登

輿去中途自縊而死藏書懷中日媳以公姑之故不得已

貽害某氏子使彼亡人失財已成罪過萬勿藉媳之死更

萌他志也聞者哀之

孫某妻某氏夫死其兄逼氏改嫁不從投水死

廬州府志卷四十一

列女義烈二

十

蔡又時妻龔氏合肥人年十九夫歿氏慟哭而死

方大齡妻潘氏無為人年十九夫逝遺腹生子家苦貧舅姑

欲奪其志氏矢死不從里有強暴懷刃欲刺其子以逼氏

氏日納兒於米櫃局其鑰夜則局踣櫃中乳兒三年強暴

死始出兒於櫃辛勤紡績十指幾穿事舅姑終養逮兒畢

婚乃曰吾將下報吾夫矣遂絕粒而卒

洪萃一妻劉氏無為人夫早卒氏矢死守節一日洪給以歸

寧實已消媒里人戴某矣氏大詬誓死不從戴強留之氏

忿抽簪自刺其鼻血流滿面戴使人守之乘間投繯而死

庠生楊芳妻後氏無為人年二十六芳卒誓死殉夫投繯至

再姑救之避諭以撫孤為重未及一載遺孤歿遂絕粒死

陸玉田女無為人年二十六夫孔蓬海家貧一日誘氏入城

將賣之比夜投水死

周作楨妻倪氏無為人夫亡氏年二十六家貧無依密縫衣

裾赴水死

鍾春茂妻張氏無為人乾隆乙巳大飢夫強氏改適夜赴水

死後家人得其尸面如生衣襟縫紉皆遍

鍾光祖妻徐氏無為人光祖歿於水氏年二十盡焚嫁衣不

食十日死

羅某無為人妻王氏合肥人年二十夫死家極貧有覲其嫁

者一日遣子外乞縱火自焚死子歸於灰燼中得尸歛棺

瘞之有鄭某收養其子逾年氏弟佐忠取以歸

廬州府志卷四十一

列女義烈二

十一

劉良廣聘妻宋氏無為人自幼歸劉未成禮良廣卒嗣續無

人氏絕粒七日死

唐永坦聘妻胡氏名煥姑無為人永坦少嬰疾不慧父母俱

歿女父亦早逝及笄母欲改字女不從赴水死戚里哀之

勒石誌諸墓

張萬勝女無為人許字王美高子因貧童養乾隆丙午歲大

飢翁與父計將女改字議成女知之固請歸辭母暮返母

遣幼弟伴送給弟回投水而死時年十三鄉人異之

徐允整長女含山人幼許字無為州孫大琪未娶大琪卒女

年十八聞訃欲奔喪父母禁之絕粒十四日卒含邑人為

進主於運漕鎮貞烈祠